



KURUNIDI GUEZ

ANN ITRON VARIA REMENGOL,

An 30 a vis Mae 1858.

Ton : *Ni ho salud, stereden vor.*

O breiziz ker , diredit oll ,
En deiz kaer man , da Remengol :
Hirio , ô pebes levenes !
E curuner ho Patrones.

Ar Pab Pii nao en deus clevet
Ar burzudou bras he deus gret
Ho Patrones , en peb amzer ,
En andret he bugale guer.

He galon' zo deut da dridal,
Hac en deveus roët raktal
Eur gurunen meurbet skeudus
D'bon Advocades galloudus.

Kanomp eta , a vouez huel,
Mil meuleudi d'ar Pab santel;
Ha d'ar Verc'hes sacr , Mam Doue ,
Enor , respect ha karante !...

Ann oll boblyou eus an douar
A rent dezi enor ha gloar ,
Hac he c'hemer , oll assambles ,
Evit ho mam , ho rouanes.

Deut Escop santel , hor pastor ,
Hastit kontanti hon ardor !
Lakit d'hon Patrones evrus
Ar gurunen-ze ker skeudus.

Ha nî , daoulinet gant respect ,
Dirak he c'himaich benniguet ,
Nî a gano meuleudion
D'ar Rouanes eus ann Eêvou.

Guir eo , e ze bet kurunet ,
Pel amzer zo , gant ann Dreindet ;
Mæs nî fel demp , dre garante ,
He c'huruni c'hoas a neve.

Mari , hor Mam muia caret ,
N'he deveus biskoas dilezet
Ar re' zo deut , gant guir fizians ,
D'he zy da c'houlen assistans.

Nak a dud klan hak ankeniet
E Remengol zo bet pareet :
Biken ne alfet niveri
Ann dud paour consolet ganthi.

O Guerc'hes , mam garantezus ,
Hastennit ho torn galloudus
Hirio var ho servicherien ,
Ha bezit bepret ho zouten.

Mari , Rouanes an Eêvou ,
Renit var ann oll galonou ;
Grit ma vo gant an oll karet
Jesus , ho mab , Zalver ar bed.

Guëchall ar Roue Gralon
Ha sant Guenole he vignon
E Remengol evel daou æl ,
Bede Patrones Breiz-Izel.

En peb anken , en peb danjer ,
Nî zeui evelde , Mam dener ,
Da Remengol da c'houl graçou
Ha delivrans eus hor poaniou.

Guerc'hes santel bezit ato ,
Evidomd hac evit hor bro ,
An Itron *Varia remed-oll* (1)
Ha mirit ne zaïmp da goll.

(1) Notre-Dame de Tout-Remède.

Mari , hor mam , hon Rouanes ,
Goude beza , gant levenes ,
Ho kurunet var an douar ,
Grit ma vimp kurunet er gloar.

Peden evit ann Anaon.

Selaouit , Mam drugarezus ,
Hirvoudou ann Anaon klêmus ,
Ha pedit Jesus , hon Autrou ,
D'ho delivra eus ar flammou.

Digorit dêze dor ann Eê ,
Ha grit ma teuyo an æle
D'ho douguen var ho diouaskel ,
D'ann evurusted eternel.

EVEL-SE BEZET GRET.

Dre eur skrit apostolik , roet e Rom , en ilis Sant-Pêr , dan 8 a vis Mae 1857 , hon Tad Santel ar Pab Pii IX en deus karguet an Autrou R. N. Sergent , Eskop a Guemper hag a Leon , da guruni , en he hano , an Itron Varia Remengol .

Kurunen aour ha perles an Itron Varia Remengol eo ar gaera zo bet guelet biskoas e Breiz-Izel .

PATRONES REMENGOL

KURUNET EN HANO HON TAD SANTEL AR PAB PII IX.

GANT ESCOP KEMPER,

An dregont a vis Mae 1858.

Gant levenez kanomp oll
Gloar d'ar Verc'hes Remengol.

Beza zeus eun hanô dudius ha santel,
Eun hanô kaer meurbet karet e Breiz-Izel,
Eun hanô burzudos a viniguer dreist-oll,
Hac henez eo hanô Patrones Remengol.

Patrones Remengol!!! ann hanô-ze ebken
A zizec'h ann daëlou, a zoupla ann anken,
D'ar rusudik a ro ners da vont eb enkres,
A dreus ann drubuillou zo skignet er vuez.

Var zu Mari, bepret e nij hor pedennou
El laouenidiguez kerkouls hag er poaniou,
Hi eo hon esperans, ho c'honsolation,
Hor joa, hon eurustet, hor e'harante guirion.

Oll galloudus e zeo, e kichen hor Salver,
Pini n'en deus netra da refus d'e Vam ger,
Ha leun a drugarez evit ar bec'herien,
E kar asten dezo ha dorn 'vit ho zouten.

E kreis tân ar brezel , tud kaled an Arvor ,
A var bale eb spont , ha mervel gant enor ,
Rac evel soudardet ar roue kos Gralon
Medalen Remengol a ve var ho c'halon.

Skoet gant ar goelarn , ha prest da vont da goll ,
Ar martolot a bed Patrones Remengol....
Kerkent en dro dezan e cham sioul an olliou
Hac ar verelaouen a luguern en envou.

'Na nmar teu an anaon gant he vouez truezus
Da c'houlen eur beden , it da dy Mam Jesus ,
He fedit a galon , hac hy , eus o silaou ,
Er lamo deus au tân 'vit er kass d'ar joayou.

Kement a deu d'he zy da c'houlen he zicour ,
Pe dall , pe forbuet , maleurus pe glanvour ,
Ho deveus ho mennat , 'velse gant ar béd oll
Eo bet hanvet : ITRON VARIA REMED-OLL.

Hirio , perak harpet var ho fenn bas dero ,
E teu pelerinet stankoc'h eus a bep bro ,
Perac , o c'herruout , en despet d'ho skuister ,
En em strinkont timad e harz treid he auter ?

Gralon ha Guenole , S^t Kaourintin , Guen-æl ,
Oll Sænt ha Sæntezet hor bro gaér Breiz-Izel ,
Kemeski ho moesiou gant hon re 'vit kana
Meuleudi dudius d'an Itron Varia .

Rak hirio deis eurus , an oll grouadurien
En em gleo da veuli hano mam ar beorien ,
Al lapousedigou var seul ho neizik spouen ,
An dud var an douar , bag an Alez en En .

Hirio e Remengol, gant laouenidigez,
E rer eur pardon bras en enor ar Verc'hes,
Ar pardon voe guechal ordrenet gant Gralon
'Vit testeni a feiz d'an oll dud a galon.

Guerc'hes sacr' Remengol, pevarzec kant vloas zo,
E teu hon tadou kos el lec'h-man d'ho kendro,
E teu bugale Breiz d'ho ty, a galon vad,
Bepret 'vit ho meuli hag ho trugarekat.

Ha ny gant karante ha gant anaoudeguez
Euz ann oll burzudou 'cheuz gred en hon touez,
A deu da guinik deoc'h, hirio, eur gurunen
Ker kaër, ker lugernus hag ar ganaveden.

Kemerit-hi, Guerc'hes, digant ho pugale,
'Vel eur merk a zoudans, eur merk a garante,
Kemerit-hi ma vo sonj en Arvor bepret,
Hompbet karet ganeoc'h, hag hon eus ho karet.

Var hor bugaligou divlam ha ker laouen,
A drid en eur velet rei deoc'h eur gurunen,
O Guerc'hes ! kendalc'hit da skuilla ho craçou
'Vel m'a koez d'ar sao eol ar glis var an deillou.

Eus an den kos a c'ha, samet a vlaveziou,
Varzu he ve, Guerc'hes, harpit ar c'hamejou,
Grit ma na semplo ket, arok fin ar veach
Ma c'hallo souffr' gant nerz ha mervel gant kourach.

'N kalon ar pinvidik a zo karguet a aour
Hag a zell dizeblant eus oll boaniou ar paour.
Lakit, Guerc'hes Vari, karante ho truez
Ma souplajo d'he vreur sâm pouner ar vuez.

Var bent ar maleurus a vef en dizurzou ,
En eur dispris ar Groas hac e oll vurzudou ,
Mari , grit luguer ni eur skeuden euz ar feiz ,
Ma n'em gavo ganeomp en ho kichen eun deiz .

Ha pa zono trampil Æl ar Varnidiguez
Dan devez diveza , pa zigoro hör bez ,
Mam leun a vadelez , Patronez Remengol ,
Var eur goabren skeudus deut d'hon diguemer oll .

FIN.



E Montroulez , e ty LÉDAN , tu ar Pave .